

Mu mijyi kimwe no mu mihanda yavuzwe ku migemo A na B, y'iki gika, uburemere ntarengwa bwemewe kuri buri ruziga bushyizweho ku buryo bukurikira :

- Inziga zihagwa: **Toni 3,20 ariko ingufu z'umwuka ntizirenga kg 5,5 kuri cm²**
- Inziga zifite umwuka ariko zidahagwa: **Toni 15 DL ;**
- Inziga zidahagwa, izikoze mu byuma cyangwa izikoze muri kawucu gusa: **Toni 8 DL ariko buri ruziga rukoze mu cyuma rudahagwa ntirurenga kg 250.**

Mu ndemeko zavuzwe haruguru D ivuga muri metero, umurambararo w'inyuma y'umupirabapimiye mu butambike ; naho L ikavuga ubugari busumba ubundi bwose bupimiwe mu murongo w'uruziga .

D). Uburemere ntarengwa kuri buri mutambiko bushyizweho ku buryo bukurikira:

- a) *Mu mijyi kimwe no mu mihanda ivugwa ku mugemo A w'iki gika : Toni 10 ariko umutambiko urushije iyindi kuremererwa mu mitambiko ikurikiranye ntube warena toni 8;*
- b) *Ku mihanda ivugwa ku mugemo B: Toni 5,5 ariko umutambiko urushije iyindi kuremererwa mu mitambiko ikurikiranye ntube warena toni 4.*

 Ubwo buremere bugizwe n'igiteranyo cy'ubwikorezi bwose inziga zose zitsindagira ku butaka ishingiro ryabwo rikaba hagati y'ubuhagarike n'ubugari bukwirakwijwe mu bugari bwose bw'ikinyabiziga.
- c) *Ku yindi mihanda uretse iyavuzwe ku migemo A na B, y'iki gika, uburemere ntarengwa bwemewe bw'ikinyabiziga cyangwa ubw'ibinyabiziga bikururana ntibushobora kurenza toni 7 kandi buri mutambiko ntushobora kurenza toni 3,5 .*
- d) *Uretse bibonewe uruhushya ubundi birabujijwe gushyira no gukomeza kugendesha imodoka cyangwa romoruki mu nzira nyabagendwa yikoreye toni zirenga 5 ubariye kuri buri ntera ya metero imwe iri hagati y'imitambiko ibiri ihera cyangwa iyo uburemere bw'ibykorewe burenze uburemere ntarengwa bwemewe n'ikarita iranga ikinyabiziga.*

2. Ibivugwa mu gika cya mbere ntibikurikizwa iyo ari imashini zikoreshwa mu kubaka imihanda;

3. *Ku byerekeye ibinyabiziga bigendeshwa n'ingufu za gazi n'ibigendeshwa n'ibyuma bibika amashanyarazi, uburebure bwavuzwe haruguru bwongerwaho hatarengejwe toni imwe, uburemere bw'ibyuma, uburemere bwa gazi, mu gihe ikinyabiziga kigenda, ibyuma bitwara iyo gazi cyangwa ibibitse amashanyarazi n'ibindi bijyana n'ibyo bikoresheho ;*

4. Uburemere ntarengwa bw'ikinyabiziga n'ubwikorezi ntarengwa ku mitambiko itsindagiye ku butaka ntibishobora kurenga uburemere ikinyabiziga n'imitambiko yacyo byemerewe.

5. Minisitiri ushinze gutwara abantu n'ibintu ashobora:

- a) *Gutanga uruhusa, ku bice bimwe avuze by'inziira nyabagendwa kugirango binyurwemo kuburyo busanzwe n'ibinyabiziga bifite uburebure burenze ubwavuzwe haruguru;*
- c) *Gutanga uruhusha akoresheje ibyemezo byihariye kandi by'igihe gito kugirango ibyo binyabiziga binyure mu mayira agenwe. Iyo bibaye ngombwa, ateganya ibigomba kuzuzwa kugirango ibyo binyabiziga bishobore kunyura muri ayo mayira.*